

DE CONFLAGRA-
TIONE AGRI PVTEO-
LANI, SIMONIS POR-
TII NEAPOLITANI
EPISTOLA.

FLORENTIAE
M D LI.



DE CONF. AGR.
TIOE AGRI. VITE
LAND. EINH. 1800.
IN 1800.
1800.

FLORENTINE
N. D. L.

ILLVSTRISS. D. PETRO A TOLE-
TO PRINCIPI VILLAE FRANCAE, REGNI
Neapolitani Proregi, & militum Impera-
tori. Simon Portius. S. D.



VLTA sunt, quæ etsi naturali ra-
tione eueniât, quia tamen raro con-
tingunt, portenta hominibus: atque
iis maximè, qui rumore potius eâ
quàm visu percipiunt, videri solent.
Quamobrem ne de eo, quod nuper
anno scilicet à partu Virginis M.D.

XXXVIII. campis accidit Puteolanis, falsum ali-
quid ad te deferatur: cùm mea omnia, atque hæc præ-
cipue, quæ ad nostra studia adtinent, me tibi debere
sentiam: eius rei totius historiam breui recensere, &
quod Philosophi propriû munus est, causas tibi ape-
rire constitui: rem haud ingratam me facturum exi-
stimans. Vidisti tu quidem conflagratione, & vniuer-
sam Puteolorum regionem lustrasti. est ea vicina mari,
aquis calidis, & luto so sulfure abundans: montes ha-
bet à septentrione & meridie, qui ad mare vsque pro-
currût, vbi cauernæ multæ & magnæ caloris vim plu-
rimam cohibent. Fuit hæc regio biennio ferè magnis
terræmotib. agitata: vt nulla in ea superesset domus
integra, nullum ædificiû, quod non certâ & proximâ
ruinam minaretur. At vero. V. & IIII. Cal. Octobr.
perpetuis diebus, noctibusque terra commota est:
mare palsib. fere. CC. recessit. quo quidè loco & in-
gentem piscium multitudinē accolæ capere, & aquæ
dulces proflire visæ fuerunt. III. tandem Cal. ma-
gnus terræ tractus, qui inter radices montis, quem
Barbarum incolæ appellant, & mare iuxta Auernum,

iacet: sese erigere videbatur, & montis subito nascentis figuram imitari. Eo ipso die hora noctis. I. I. istæ terræ cumulus, aperto veluti ore, magno cum fremitu, magnos ignes euomit: pumicesque & lapides, cinerisque fœdi tantâ copiam, vt quæ adhuc extabant Puteolorû ædificia operuerit, herbas omnes texerit, arbores fregerit, pendentemque vindemiam ad sextû usque lapidem in cineres verterit, aues quoque, & nonnullas quadrupedes bestias interemerit: fugientibus per tenebras Puteolanis cum natis, & vxoribus & magno gemitu eiulatuque Neapolim sese recipientibus. Qui quidê cinis ad LX. fere passuum. milia exhalationis vi proiectus est. atque quod mirum videri potest, propè voraginem, siccus: longe vero, lutosus & humidus cecidit. Verûm quod omnem superat admiratiorem, mons circum eam voraginem, ex pumicibus, & cinere, plusquâ. M. passuum altitudine vna nocte congestus aspicitur. in quo multa quidem inerant spiramenta, e quibus duo nunc supersunt, alterum iuxta litus, quod procurrit ad Auernû: alterum in ipso montis medio. Auerni magna pars operta cinere, Balnearia tot sæculis celebrata, quæque tot ægris salutē præstabât, cinere sepulta iacent. Durat & hoc incēdium ad hanc usque diem, cum aliqua tamen interpollatio ne: cuius ego mox, quod pollicitus sum, causas naturæ conuenientes, explicare tentabo. Quæ natura raro fiunt, non vna ratione oriuntur: cum eorum quædam certis careât definitisque causis, cuiusmodi sunt quæ temere & casu fiunt: alia verò non sine certis causis, tametsi ea quoque raro eueniant. huius generis sunt, luminarium defectus, igneæ exhalationes, terræmotus. Sed cum hoc, de quo agimus, incendium, post magnos fuerit terræmotus; de terræmotu prius pau-

5
 ea quædam dicenda sunt, è quibus quæ ad hiatû per-
 tinent, commodius explicabuntur. Sol in terrâ agens
 humidam, fumû ex ea quendam educit: qui si crassior
 fuerit & humidior, vapor dicitur, & humida gignit,
 vt nubes, pluias, aquasque perennes. sin sicciior, quæ
 exhalationem Aristoteles nuncupauit, sicca gignit &
 arida. Fumus hic in terræ antris & cauernis genitus,
 aut inde totus effluit, aut totus coërcetur: vel partim
 quidē effluit, partim coërcetur. Si totus effluit, vi sua
 propellit aërē & generat ventos: sin coërcetur totus,
 vel à meatibus & rimis ac arentis terræ soliditate; vel
 à crebris imbris, quib. terrę meatus occluduntur,
 vel à vicino mari, quod suo tum frigore tum fluctu,
 fumos illos in terræ viscera repellit; tunc cum ignei
 sint, & vi coërcantur, egressum motu velocissimo
 quærentes, terrâ cōmouent, terræmotusque efficiūt
 magnos. si verò partim egrediātur, partim sub terrâs
 coërcēātur, leues fiunt terræmotus: vi nanque immi-
 nuta, quæ egreditur pars, aërem; quæ, cohibetur terrâ
 mouet. Cæterum non est prætereunda causa illa supe-
 rior, quâ Astrologi amplectuntur; stellarû videlicet
 cōuentus, solisque & lunæ defectus. Fuerunt hæc o-
 mnia tēporibus his primû quidem, Martis cum Satur-
 no congressus in Virgine proximo solstitio, qui exha-
 lationes gignere, terræmotusque excitare consuevit.
 Fuere etiâ non modò hoc, sed præterito quoq. anno
 lunæ defectus ac cometæ. Spectanda item sunt tēpora
 terræmotibus apta, ver & autumnus; quibus tum hu-
 miditatum, tum caloris incrementa fiunt. vnde sol &
 vapores gignit & exhalationes: quorum generatio-
 nem multo suo frigore prohibet hyems, multoque ca-
 lore æstas. Hæc de causis quas efficientes Philosophi
 vocant terræmotuum: deque eorundē temporibus.

Quibus accedit, quod proxima æstas pluuiis affluens, autumnus porius quam æstatis naturam tenuit: unde mirum videri non debet, si frequentiores passa est regio nostra terræmotus. Soli enim gignendis exhalationibus vberiore aptioremque materiam tempora suppeditarunt. Aptior porro terræmotibus hora, diluculum est: ea ratione, quod Sol ad nos rediens, terræ cogit frigiditatem, quæ egressum prohibet exhalationibus unde magna vi illa, celeritateque mota; terram concutit. Quin & meridies idoneus quod Sol exhalationes supernas dissipet, educatque infernas, quæ terram mouent; qua ratione sit in superficie tranquillitas, & intra viscera motio. Locus verò, qui maxime terræmotibus quatitur, has natura ipsa sortitus est conditiones: ut sit mari finitimus, eiusque terra velut sponsa sit poris affluens & cauernis. quibus omnibus. Puteolanus ager obnoxius, frequentes patitur terræmotus. Nunc igitur exhalationes in profundo multæ congregatæ, egredi quærentes, quo propius ad locum unde egressuræ erant accedebant, eo maiore vi terræ partes proximas quatiebant; idque in causa fuit, ut terræmotus essent diebus illis perpetui. Demum exhalationes hæc motu velocissimo materiam in ea regione bituminosam, atque igne perustam, in terræ cauernis clausam inflammant, atque eam magna vi propulsam eiecerunt. Voraginis igitur hæc causæ reddi possunt. Sed cum plura voraginem hanc, & terræ hiatus præcesserint, ignemque egredientem comitentur; sigillatim eorum omnium rationes exquirere, non ab re fuerit. Mare primū recessit; non alia profecto ratione, nisi quod exhalationes exitum quærentes, terram rarefecerunt, quæ veluti sitiens, aquam per suas rimulas hausit. quod factum est, ut pars illa terræ, quæ mari prius abluebatur

tur, sicca remanserit, & cinere & lapillis litus in altū se sustulerit. Præcessit etiam aqua frigida scaturiens: quod inde contigit, quoniam aqua è terra ob exhalationē prominente compressa, vberius emanauit, terra exitui aquæ cedēte, & in imum delapsa, mox exhalationum egredi quærentiū vi est sublata. Hæsitauerunt quidam, an ignis ille in bitumine præset, an potius exhalationū motione accensus fuerit. Responsumque à nobis est, materiam quidem illam antea arsisse: argumento, quod aquæ quæ iuxta eam scaturiebant, calidæ erant; verum exhalationū impetu, & exēdi vim & incendium maius accepisse. Dubitant alii, cur non semper inde fumus exeat, aut non semper fremitus exaudiatur; sed intervallis tēporis quibusdā quiescere videatur. Huius rei illud in causa est, quod primis diebus os voraginis erat angustum: flamma item illa ab intimis terræ visceribus prodiens, cum in procinctu, & voraginis ori proximā erat, magno cum fremitu erupit: deinde dum exhalationis altera pars, à terræ profunditatibus ad os voraginis moueretur, non poterat fremitus ab iis, qui longe erant, percipi. Quod vero cinis egrediens, vicinis locis siccior; at longinquioribus cadat humidior. Eius rei illud in causa esse existimo, quod egrediens ab ardore siccior efficitur; at verò cum longius cadere nequeat, nisi prius ad æris mediam perueniat regionem, crassior ibi & humidior fit, itaque descendit. Sed de tēpore quo incendiū hoc duraturū sit, quærent rudiores, quibus à me fuit dictum, hoc ignorari: nec sciri aliter posse, nisi librata materia, qua ignis ille alitur. Verum qui Vesuii incendium huic Puteolano comparauerit, facile intelliget, non minori tempore duraturū hoc, quàm illud; cum magnum terræ spatium, imo totus ager Pu-

teolanus, sulfureo bitumine plenus sit, vt habeat ignis ille aptam, & non cito defecturam materiam.

Atqui quid hæc portendant nonnulli anxie quæ-
runt. ego verò cum Peripateticis dico, nullam præsen-
tionis istius certam esse causam: tametsi Cicero por-
tentis multum tribuat, multum etiam detrahat. Qua-
re ego, quod à me alibi disputatum est, nihil certi
hæc significare, præter siccitatem, affirmo: cui frugū,
penuria succedere consuevit. quin & pestem multis
ante sæculis accidisse accepimus. Astrologi intestina
bella sequutura prædicant. corpora nanque ob superi-
ores squallores ita arserunt, vt animus ad iram pro-
nior sit, sed ex accidēti, ista omnia siccitatē sequūtur;
vt in libris Meteor. demonstraui. Si qui sunt qui
aliter sentiant, illorum rationibus doceri nunquam
recusabo. Aristoteles similia contigisse in Heraclea ci-
uitate Ponti, & in sacra insula Aetoli scriptum reli-
quit. Imperante quoque Tito, anno secūdo imperii,
Vesuuus mons ab altero vertice magnos eructauit
ignes. Item, Cæsare Augusto, Tito, & Antonino
quarto, atque Diocletiano imperantibus; nec non L.
Martio, ac Sex. Iulio Coss. in Arime insula, aperta
huiusmodi voragine simile natum dicitur incen-
dium. vnde tanti eruperunt ignes, anno salutis. 1300.
vt tota modò non insula conflagrauerit. Sed huius
rei causas aliàs explicabo. Hæc igitur mi Mecœ-
nas scribenda duxi; ne Harioli, somnio-
rumque interpretes, ac vulgares
Astrologi alio trahāt, quæ
natura duce pro-
ueniunt.

